

Qalagjuarniq-19 GN Ilitturipkaidjutit

Qitiqqautijug 1, 2020

Hivuliqtiup ilitturipkaidjutaa:

Ublumimit, naunaiqhihimangittut aannialiqtunik aannialirnahugiyunikluuniit qalagjuarniq-19 Nunavunmi.

Atauttimut nampait inuit ihivriugtaujuu ublumimut 290. 205 inuit hadja ihivriughidtaujuu, ukuat 85 inuit ihivriughigakhaiktut.

Qitiqqautijug 1 – Nunavutim 21st nalliutivia. Pivagtugalujugut, quviahuutigivaktaqqut nalliutivia avikturnipta aallangavjangniatqijaujuq, ihumajunga. Hamna ukiunga aadiikutqittug, kihimi ihumaliurutikhaqqut qanurittaakhanik Nunavunmiutaunirmik.

Ihumagijatka qanuqtut ikajuutikhatka avikturniqqut, nunallavullu, nuatqativullu qajangnaitkutikhanik tadjja, imaatut aihimaluta akhiqpangalutaalu ilaptingnit aktuqtaililugit, tamapta taimiliugtaa ikajuqtigiikluta.

Tapkununga Nunavummiut anihimaittumik iglumiujut hivuraani Kanadami, qujagijaptigit taimailiughutit aanniarut Qalagjuarniq-19 tikittailijat avikturniptingnut.

Tapkununga Nunavummiut hamani avikturnianni imaalu
aihimagattagpaktutikiglinahuaqhugu qajangnautingat Qalagjuarniq-19,quanaquhi.

Tapkunungalu Nunavummiut ihariagijaujut havaktit, havagiaktuqpaktut ubluq tamaat aullapkhugit pinahuarutiit, ikajuutikhat kivgaqtuutit imaalu atuqtakhat aullapkhugit, quanaquhi iliffingnik muarittiaqpakhuhi aanniaqtailitikhaffingniklu timaalu aannialiqtailipluta tamapta.

Tamapta uukturupta pijakhaptingnik, tamapta munaqhijukhaujugut aannialiqtailitkhanik nuatqativut ilavullu uvaptingniklu.

Nutannngutqiyaniq Qalagjuarniq-19 naunaitkutikhat imaalu GN-kut Havagviuyut ilitturipkaidjutikhat tamainni uqauhirni: <https://www.gov.nu.ca/health/information/covid-19-novel-coronavirus> ; <https://www.gov.nu.ca>



[INUK](#) | [ENG](#) | [IKW](#) | [FRE](#)



INUK | ENG | IKW | FRE

Ilangat Nuanvut Kavamanga (GN) akhuurutigijaat munarittiarutikhannik Nunavummiut qajangnautanut aanniarutip Qalagjuarniq-19, GN-kut Havagviit atuliqtait hapkuat:

Aanniaqtailinikkut Havagvia Kivagaqtuutit

Pulaaqtiqalimaittut hivitujumut iglugijaujunni iNunavunmi – Munarihimmaaqtavuiitlu Igluqpangmiuyut (CCCs) umanillu Inirnikhat Aimaviit.

Tamaita tingmihimayut piyariaqaliqtut inungmihuihlutik taiyauhimayuni munaqhivikhami hilataani Nunavut aktilaanga 14ni ubluni, kihimi hapkua ikayuqtit havaktit kitut mihingnautiaqtut.

Inullaat avalingaqqujaujut itqaumajukhat itiqtirvingmungautqujaungittut kihiani hivajaqtaugumik angiqtaudjunmik Aanniaqtailinikkut havaktiannit nallianut itiqtirvingmut ihuaqhaqtaujunik najuqtakhani.

Tapkua utiqtit Nunavunmun pijariaqatut angirutiaqlutik Havagvianin Atan'ngujap Inungnun Aanniaqtailinikkut Havaktip apirijaujut qaritaujakkut titirarvigilugu tamna CPHOTravelRequests@gov.nu.ca.

Pijariaqaruvit avalingaqqujauplutit, AAanniaqtailinikkut Havaktip hivajarniaratit. Akiitukkut napaa hivajagakhaq kimuli qangannuaq tingmihimajut aanniarutiqaqtutluuniin haffuminga Qalagjuarniq-19 mihingnautinik **1-888-975-8601 kiujauvaktuq akunngani 7:30-7:30**.

Ukua CPHO tingminikkut pitquyauyut ukualu/ikayuqtit havaktit maliktaghait iliuraqtauyut hamunga: <https://www.gov.nu.ca/health/information/covid-19-novel-coronavirus>

Anittailijaujut

- Inuit anittailijaujut atuqtaaktait tiiviruit, ikiakkuuruit qaritaujakkut, pingahuiqtuqhutik niripkaktavaktut ubluummat, igliit uliit himiktauvakhutiklu haluummaqtirutikhaniklu tunijauplutik. Iqqakuut agjaqtavaktut ubluq tamaat.
- Hapkuat akiliqtakhat akiliqtpaktait Nunavut Kavamanga. GN-kut akilirniaqtait makkakhat, nutarannuat milukhainik uaqtirutikhanik arnat atuqtainniklu.
- Inuit itiqtiqtauhimajut munarijakhait aquiqtuqtukhat hapkuninga atuqtakhanik naunaiqtauhimajumit agjaqtikhamit kivaqtuqtimit, kihimi akiliqhipkaqtaulimaittut hapkuninga titiraqhimajunik qulani.
- Tun'ngahuktidjutit puuqhimajut nutaanguqtiqtaujut ilaukhugit naunaitkutikhanik niqikhanik aquiqtuutikhainik agjaqtaujukhanik. Tamangnik agjaqtauniaqtuk itiqtirvingnut. Hapkuat agjautait akiliqtakhatit akiit akiliqtaulimaittut GN-kunit.

Nutanngutqianik Qalagjuarniq-19 naunaitkutikhat imaalu GN-kut Havagviuyut ilitturipkaidjutikhat tamainni uqauhirni: <https://www.gov.nu.ca/health/information/covid-19-novel-coronavirus> ; <https://www.gov.nu.ca>



INUK | ENG | IKW | FRE



INUK | ENG | IKW | FRE

Havagvia Maligaliqijikkut

Ihuaqhaqtauhimajut kivgaqtuutit:

Ajuqhaqtitauvakhimajut Kivgaqtuutit

- Ajuqhaqtitauvakhimajut Havagvia umikhimajuq inungnut tadj. Kihimi, Nunavummiut hivajariaqarumik havagviannut hivajainnariaqaqtut imaqtut uqar vikhatit naunaitkutait:
 - **Ajuqhaqtitauvakhimajut Ikajuutikhait Akiitukkut 1-866-456-5216;**
victimservices@gov.nu.ca.
 - Ikajuutikhait tunijauttaqtut qanurinniitigut.

Havagviat Inungnun Munaqtuijunut

- Ublumimit, Qitiqqautijuq 1, 2020, havagviat Inungnun Munaqtuijunut katimaqatiginiqtaik Titirvarianik Inuin Piqtutainik Ihuaqhaiji iluanni Havagviat Maligaliqijikkut. Una nutaaq havagvikhat unauniaqtuq Havagviat Inungnun Munaqtuijunut imaalu Inuin Piqtutainik Ihuaqhaiji. Tamaita hivajautait naunaitkutait aullajunaittut.
- Havagviat angmaffaaqqat hamna inungnut aanniarutikkut amigakhuutaujuq, nanijaunginnariaqaqtuq aallirmi havagvianni taffumani Brown Building Iqalungni. Maligatigut Atiliuqtuijut nuuttut qulliumut 4th fnatqanut taffuma 1106 Inuksugait igluqpat Iqalungni.
- Pidjutigiplugu havagviup nuudjutaat, ikajuqhiqtaujuumajut utaqqiniarunaqhijut hivajaqtaulutik qaritaujakkut titirarviulutik kiudjutait. Maminaaqugut ihuidjutigiguffiuk.

Havagviat Kavamaliqijikkut Kivgaqtuutit

Aulahimaaqtun kivgaqtuutit:

- Nunavut Kavamanga aullahimaaqtumik hiamitirnaittunun pijakhatik atani uumani *Tuhagakhanik Tiguhinirmut Hapummijaarinirmut Hiamitirnaittunun Titiraqtauhimajunik Maligaq*. ATIPP Tutiqhajit havakpaktut nutaanik tukhiutiniklu naunaitkutikhanut imaalu kiuvangniaqtut naatinngit 25-havangnaqtitlugu ublunni, kihianni angiqtauhimaut naunaittauhimakpata ataani Maligarmi. Uqarvikharnik naunaitkutait titirarumaguvit taffuminga ATIPP tukhiut, takulugu qaritaujakkut atani: <https://www.gov.nu.ca/executive-and-intergovernmental-affairs/information/atipp-contact-list>

Havagviat Avatiliqiyitkut kivgaqtuutikhait

- Avatimut Hapummiyit Havagvingat havaqatigiplugit kavamatuqatkut, ukiuqtaqtumi aviktuqhimajuni kavamaqatitlugu titiraqmikhilaarutikhangit puujuinnut pidjutaujut aanniarutip hiamitirutat pidjutigiplugit.

Nunavummiut aanniaqtailinikkut tamapta munariyakhavut! Itqaumalutit: uaqpaklugit algatit imaalu qaanngit hunavaluit, inuqarnirmi qaniglihuiqluhi, maliqalugit uqaudjiyut aanniaqtailinikkut havaktinin, imnaalu aihimalutit aanniaruvit.

Nutanngutqianik Qalagjuarniq-19 naunaitkutikhat imaalu GN-kut Havagviuyut ilitturipkaidjutikhat tamainni uqaahirni: <https://www.gov.nu.ca/health/information/covid-19-novel-coronavirus> ;
<https://www.gov.nu.ca>



INUK | ENG | IKW | FRE



INUK | ENG | IKW | FRE